



ԵԿԵՂԵՑԱԿԱՆ ԲԵՍ. ԼՈՒՐԵՐ

Հունվարի 1-ին, ուրբաթ. - Գ օր ՄՃՆդեան պահոց: Կաղանդ, Տարեմուտ:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի դիվանապետ գերաշնորհ Տ. Ներսես արքեպս. Պողոսյանը:

Պատարագիչ Արքայազան Հայրը քարոզ խոսեց՝ «Մի՛ երկնչիր, հօտ փոքրիկ, գի հաճեցաւ Հայր ձեր տալ ձեզ զարքայութիւն» (Ղուկաս ԺԲ 32) բնաբանով (տե՛ս էջ 41):

Հավարտ Ս. Պատարագի կատարվեց Հայրապետական մաղթանք:

Հունվարի 3-ին, կիրակի. - Է կիրակի Յիսնակաց:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Արշակ արեղա Խաչատրյանը: «Հայր մեր»-ից առաջ քարոզ խոսեց պատարագիչ Հայր Սուրբը՝ «Եւ եղել հակառակութիւն ի մէջ նոցա թէ ո՛վ ի նոցանէ համարիցի մե՛ծ» (Ղուկ. ԻԲ 24) բնաբանով:

Հունվարի 4-ին, երկուշաբթի. - Զ օր ՄՃՆդեան պահոց:

Այսօր «Էջմիածին» ամսագրի խմբագրակազմը վեհաբանում շնորհավորեց Կաթողիկոսական Ընդհանուր Փոխանորդ Տ. Գարեգին արքեպս. Ներսիսյանի Ամանորը: Գլխավոր խմբագրի պաշտոնակատար Մարիամ Վարդանյանը Արքայազան Հորը ներկայացրեց խմբագրակազմի անդամներին, հակիրճ նկարագրեց կատարվելիք հետագա աշխատանքների ընդհանուր ծրագրերը և ողջ աշխատակազմի անունից Արքայազան

Հորը խնդրեց վեհափառ Հայրապետին մաղթել քաջառողջություն, երկար տարիների բեղմնավոր գործունեություն և շուտափույթ վերադարձ Մայր Աթոռ Ս. Էջմիածին:

Հունվարի 5-ին, երեքշաբթի. - Ծրագրայինց ԾՃՆՈՒԵԱՆ ԵՒ ԱՍՏՈՒԱԾԱ-
յայտնութեան Տեառն մերոյ Յիսուսի Քրիստոսի:

Այսօր Մայր Տաճարում, Ավագ Ս. Սեղանի վրա, Ս. Պատարագ մատուցեց Մայր Աթոռի միաբան Տ. Միքայել Մ. վրդ. Աջապահյանը: «Հայր մեր»-ից առաջ օրվա խորհրդին պատշաճող քարոզ խոսեց պատարագիչ Հայր Սուրբը (տե՛ս էջ 43): Ս. Պատարագից առաջ չորս սարկավազներ Ավագ Ս. Խորանից ընթերցեցին Դանիելի թուղթը:

Ս. Պատարագից հետո ողջ միաբանությունն ու ուսանողությունը, Կաթողիկոսական Ընդհանուր Փոխանորդ Տ. Գարեգին արքեպս. Ներսիս-յանի գլխավորությամբ, «Խորհուրդ մեծ» շարականի երգեցողությանն ենթարկեց շարժվեցին դեպի միաբանական սեղանատուն՝ ցնծությամբ նշելու Տիրոջ ԾՃՆՈՒՅԱՆ ավետիսը:

Հունվարի 6-ին, չորեքշաբթի. - Տօն ԾՃՆՈՒԵԱՆ ԵՒ ԱՍՏՈՒԱԾԱյայտ-
նութեան Տեառն մերոյ Յիսուսի Քրիստոսի:

Այսօր Մայր Տաճարում, Ավագ Ս. Սեղանի վրա, Ս. Պատարագ մատուցեց Կաթողիկոսական Ընդհանուր Փոխանորդ Տ. Գարեգին արքեպս. Ներսիսյանը: «Հայր մեր»-ից առաջ Տ. Գարեգին արքեպս. Ներսիսյանն ընթերցեց Ն.Ա.Օ.Տ.Տ. Գարեգին Ա Ամենայն Հայոց Կաթողիկոսի Սուրբ ԾՃՆՈՒՅԱՆ պատգամը՝ ուղղված հայ ժողովրդին (տե՛ս էջ 3):

Այնուհետև Կաթողիկոսական Ընդհանուր Փոխանորդ Տ. Գարեգին արքեպս. Ներսիսյանի նախագահությամբ կատարվեց Զրօրհների արարողությունը:

Ս. Պատարագին ներկա էին ՀՀ կառավարության, ՀՀ Ազգային ժողովի, Գերագույն Հոգևոր Խորհրդի անդամներ, Հայաստանում հավատարմագրված արտակարգ և լիազոր դեսպաններ, քույր եկեղեցիների ներկայացուցիչներ, մեծաթիվ հյուրեր:

Հունվարի 7-ին, հինգշաբթի. - Բ օր ԾՃՆՈՒԵԱՆ: Յիշատակ մեռելոց:

Այսօր Մայր Տաճարում, Ավագ Ս. Սեղանի վրա, Ս. Պատարագ մատուցեց արժանապատիվ Տ. Տիրայր քհն. Գրիքճյանը:

Հավարտ Ս. Պատարագի կատարվեց հոգեհանգիստ՝ վասն համորենն անջեցելոց:

Հունվարի 8-ին, ուրբաթ. - Գ օր ԾՃՆՈՒԵԱՆ:

Այսօր Մայր Աթոռ Սբ. Էջմիածնում Կաթողիկոսական Ընդհանուր Փոխանորդ գերշ. Տ. Գարեգին արքեպս. Ներսիսյանն ընդունեց Հայաստանում Ռուսաստանի Դաշնության արտակարգ և լիազոր դեսպան Անատոլի Դոյուկովին:

Հանուն Վեհափառ Հայրապետի Սրբազան Հայրը ողջունեց պրն. Դրյուկովի անդրամիկ այցը Մայր Աթոռ՝ հույս հայտնելով, որ հաջորդ հանդիպումը Մայր Աթոռում կկայանա Ամենայն Հայոց Կաթողիկոսի հետ:

Պրն. դեսպանը նշեց, որ հայ-ռուսական պատմական սերտ կապերը այսօր ևս շարունակվում են քազմակողմանիորեն զարգանալ քաղաքական, տնտեսական ու հոգևոր ասպարեզներում:

Հանդիպման ընթացքում խոսվեց երկու երկրներում հոգևոր-եկեղեցական կյանքի, հոգևոր վերազարթոնքի և այդ հարցում Եկեղեցու և պետության ունեցած դերի մասին: Սրբազան Հայրն ընդգծեց, որ պետությունը, ստեղծելով անհրաժեշտ օրենսդրական դաշտ, կարող է միայն նպաստել Եկեղեցու գործունեությանը, սակայն ժողովրդի հոգևոր դաստիարակության հիմնական գործը Եկեղեցունն է:

Զրույցի ընթացքում անդրադարձ եղավ նաև Ռուսաստանում Հայոց Եկեղեցու թեմական կառուցվածքին: Պրն. Դրյուկովը հայտնեց նաև, որ մոսկովյան իշխանությունների կողմից հողատարածք է հատկացվել Հայոց թեմին՝ նոր եկեղեցի կառուցելու նպատակով:

Առաջին անգամ լինելով Մայր Աթոռում, դեսպանը շրջեց Սր. Էջմիածնի թանգարաններում, դիտեց Մայր Աթոռում պահվող արվեստի գանձերը և եկեղեցական արժեքները:

Հունվարի 10-ին, կիրակի. - Ե օր Մենդեան:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Արշեն արեղա Մանուչյանը: «Հայր մեր»-ից առաջ հավուր պատշաճի քարոզ խոսեց պատարագիչ Հայր Սուրբը՝ «Խորհուրդ մեծ և սքանչելի, որ յայսմ աուր յայտնեցաւ, հովիւքն երգեն ընդ հրեշտակս տան անտիս աշխարհի» (Շարական) ընթացակետով (տե՛ս էջ 52):

Հունվարի 13-ին, չորեքշաբթի. - Ը օր Մենդեան: Տօն անուանակոչութեան Տեառն Մերոյ Յիսուսի Քրիստոսի:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Աշոտ արեղա Մնացականյանը:



Այսօր Մայր Աթոռ Սր. Էջմիածնում Կաթողիկոսական Ընդհանուր Փոխանորդ գերշ. Տ. Գարեգին արքեպս. Ներսիսյանն ընդունեց Հայաստանում Իրանի Իսլամական Հանրապետության գործերի ժամանակավոր հավատարմատար Մոհամադ Ֆարհադ Քոլելնիին:

Հանուն Վեհափառ Հայրապետի ողջունելով հյուրին, Սրբազան Հայրը ուրախությամբ հայտնեց, որ Ամենայն Հայոց Գարեգին Ա Կաթողիկոսի կազդուրման շրջանն ընթանում է բարեհաջող:

Հանդիպման ընթացքում ծավալվեց մտերմիկ զրույց: Անդրադառնալով Հայաստանում քրիստոնեության ընդունման 1700-ամյա հոբելյանին, պրն. Քոլեզնին հայտնեց, որ Իրանի Իսլամական Հանրապետությունը ևս նախատեսում է իր մասնակցությունը բերել հոբելյանական միջոցառումներին:

Հիշատակելով Հայաստան-Իրան դարավոր պատմա-մշակութային կապի մասին, Գարեգին Սրբազանն իր ուրախությունը հայտնեց Հայոց Եկեղեցու մեծ հոբելյանի հանդես իրանի ունեցած ուշադրության համար:

Հրաժեշտից առաջ պրն. Քոլեզնին խնդրեց Սրբազան Հորը՝ իր ողջույնները և ապաքինման մաղթանքները փոխանցել Ամենայն Հայոց Գարեգին Ա Կաթողիկոսին:

**

Այսօր, երեկոյան, Վեհարանում տեղի ունեցավ Միաբանական ժողով, որի ընթացքում քննարկվեցին մի քանի հարցեր Արմավիրի թեմում տարվող քարոզչական աշխատանքների վերաբերյալ:

Տ. Զարեհ արեղա Կարաղյանը միաբանակից եղբայրներին իր մտածումները հայտնեց կիրակի օրը Ս. Պատարագին տրվելիք քարոզի վերաբերյալ:

Հունվարի 14-ին, հինգշաբթի.- Տօն Մենդեան Յովհաննու Կարապետին:

Այսօր Մայր Տաճարում, Ս. Հովհաննես Մկրտչի Խորանի վրա, Ս. Պատարագ մատուցեց արժանապատիվ Տ. Խաչատուր ավագ քնն. Շրանկյանը:

Հունվարի 17-ին, կիրակի. - Ա կիրակի զվնի Մենդեան:

Այսօր Մայր Տաճարում, Ավագ Ս. Սեղանի վրա, Ս. Պատարագ մատուցեց Մայր Աթոռի միաբան Տ. Մակար արեղա Հովհաննեսյանը: «Հայր մեր»-ից առաջ քարոզ խոսեց պատարագիչ Հայր Սուրբը՝ «Եվ երբ զինին պակասեց, մայրը Հիսուսին ասաց. «Գինի չունեն»» բնաբանով:

Հունվարի 18-ին, երկուշաբթի.- Սրբոցն՝ Անտոնի, Տրիփոնի, Պարսամայ եւ Ոնոփրիոսի ճգնառորացն:

Այսօր Մայր Աթոռ Սր. Էջմիածին իր անդրանիկ այցը կատարեց Հայաստանում Հունաստանի արտակարգ և լիազոր դեսպան Պանայոտիս Չոզրաֆոսը:

Հանուն Վեհափառ Հայրապետի ողջունելով հյուրին, Կաթողիկոսական Ընդհանուր Փոխանորդ գերշ. Տ. Գարեգին արքեպս. Ներսիսյանը շնորհավորեց պրն. Չոզրաֆոսին նոր պաշտոնի ստանձման առիթով և մաղթեց արդյունավետ գործունեություն, որը կնպաստի երկու ժողովուրդների բարեկամության և միջպետական կապերի ամրապնդմանը:

Հանդիպման ընթացքում խոսվեց հայ և հույն ժողովուրդների, եկեղեցիների քարեկամության ու կապերի մասին: Այս առիթով Սրբազան Հայրը հիշատակեց կոստանդնուպոլսի Հունաց Տիեզերական Պատրիարքի և Ամենայն Հայոց Կաթողիկոսի փոխադարձ այցելությունները, ինչպես նաև անցած տարի Աթենքում հաջողությամբ կազմակերպված հայ եկեղեցական զանձների ցուցահանդեսը: Սրբազան Հայրը շնորհակալություն հայտնեց նաև մարդասիրական այն օգնության համար, որ տրամադրվում է Հունաստանի կառավարության կողմից Հայաստանին և Հայոց եկեղեցուն:

Տեղեկանալով մայիս ամսին Հունաստանի նախագահի Հայաստան կատարելիք այցի մասին, Սրբազան Հայրը հույս հայտնեց, որ Մայր Աթոռ Սբ. Էջմիածնում նախագահին կընդունի արդեն Ամենայն Հայոց Կաթողիկոսը:

Ինչպես տեղեկացրեց պրն. Զոգրաֆոսը, Մայր Աթոռ Սբ. Էջմիածին այցելելու ցանկություն է հայտնել նաև Աթենքի և Համայն Հեղադայի Արքեպիսկոպոսը:

Հունվարի 20-ին, չորեքշաբթի. - Պահք:

Այսօր, երեկոյան, Ս. Հովհաննես վանքում տեղի ունեցավ միաբանական ժողով, որի ընթացքում քննարկվեցին քարոզչության, ժողովրին փետրվարի 14-ին կայանալիք Տեստընդատաջի տոմի խորհուրդի լուսաբանմանը վերաբերող որոշ հարցեր:

Գևորգյան Հոգևոր Ծեմարանի տեսուչ Տ. Հայկազուն ծ. վրդ. Նաջարյանը իր մտածումներն արտահայտեց կիրակի օրը Ս. Պատարագին տրվելիք քարոզի վերաբերյալ:

Հունվարի 24-ին, կիրակի. - Բ կիրակի զվնի Ծննդեան:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան, Գևորգյան Հոգևոր Ծեմարանի տեսուչ Տ. Հայկազուն ծ. վրդ. Նաջարյանը: «Հայր մեր»-ից առաջ քարոզ խոսեց պատարագիչ Հայր Սուրբը՝ «Ես եմ, մի երկնչիք» (Հովհ. Զ 20) բնաբանով (տե՛ս էջ 50):

Հունվարի 31-ին, կիրակի. - Գ կիրակի զվնի Ծննդեան:

Այսօր Մայր Տաճարում, Ավագ Ս. Սեդանի վրա, Ս. Պատարագ մատուցեց Մայր Աթոռի միաբան Տ. Մոմիկ վրդ. Սարգսյանը: «Հայր մեր»-ից առաջ քարոզ խոսեց պատարագիչ Հայր Սուրբը՝ «Ես եմ հացն կենաց» (Հովհ. Զ 35) բնաբանով: